


A R T I C L E S

DV TRAICTE' DE PAIX

entre le Roy, le Roy d'Espagne
& Monsieur le Duc de
Sauoye.



A P A R I S,

Chez FEDERIC MOREL, Imprimeur
ordinaire du Roy.

M. D. IIC.

Avec Privilege de sa Majesté.

THE NEWBERRY
LIBRARY

Casse

F

39


. 326

1598^{ft}

²
Articles du Traicte
de Paix.



ENRY PAR LA
GRACE DE DIEV
ROY DE FRANCE
ET DE NAVARRE:
A tous ceux qui
ces presentes let-
tres verront, Salut. Côme en ver-
tu des pouuoirs respectiuement
donnez par nous, & Treshaut,
Tres-excellent & Trespuissant
Prince le Roy Catholique des Es-
pagnes, nostre Trescher & Tres-
amé bon Frere & Cousin, à noz
Commis & Deputez, ils ayent en
nostre ville de Veruin, ij. iour de
May dernier passé, conclud & ar-
resté le Traicte de Paix & recon-
ciliation, duquel la teneur ensuit:



V N O M D E D I E U
le Createur. A tous pres-
sens & à venir, Soit no-
toire, qu'ayans les Roy-
aume de France & Pro-
uinces des pais Bas, souffert de tresgrā-
des pertes, ruines & desolations, à cause
des guerres ciuiles & estrangeres qui
depuis plusieurs anneés y ont cōtinué:
dont aussi se seroient grandement res-
sentiz les Royaumes d'Espagne, d'An-
gleterre & pais de Sauoye, durāt lequel
temps le cōmun ennemy du nom Chre-
stien, tenant noz maux pour son occa-
sion, se preuallant ds noz diuisions, au-
roit fait de tresgrande & tresdangereux
progrez & vsurpations és Prouinces de
la Chrestienté. Ce que considerant no-
stre Tresfainct Pere le Pape CLEMENT
huietiefme de ce nom, desirāt y appor-
ter remede cōuenable, & couper le mal
à la racine: Auroit delegué en France

l'Illustrissime & Reuerendissime Cardinal de Florence ALEXANDRE DE MEDICIS son Legat, & du sainct Siege Apostolique, pardeuers Treshaut, tres-excellét & Trespuissant Prince HENRY IIII. par la grace de Dieu Roy tres-Chrestien, de Frâce & de Nauarre, pour l'induire & persuader à vne bõne paix, amitié & concorde: avec Treshaut, & Tresexcellent & Trespuissant Prince PHILIPPE II. par la mesme grace Roy Catholique, de Castille, de Leon, d'Arragõ, des deux Sicilles, de Hierusalem, de Portugal, de Nauarre, des Indes, &c. Auquel aussi sa saincteté auroit fait & fait faire par son Nonce residât à Madrid, & autres, semblables remõstrances & exhortations. & depuis ayant ledit S. Pere esté aduerty que ledit sieur Roy Catholique auroit remis le fait de ladite paix, & à ces fins dõné pouuoir à Treshaut & Trespuissât Prince Albert Car-

dinal Archiduc d'Austriche son neueu,
pour la confiance qu'il a en luy, & pour
l'auoir cogneu tousiours tresaffection-
né au bien de la paix: Auroit enuoyé
pardeuers luy Reuerend Pere frere Bo-
nauéture Calatagirone General de l'or-
dre S. François, pour luy faire sur ce en-
tendre son desir, & ce qu'il auoit sçeu
de l'intention dudit sieur Roy Catho-
lique touchant ladiète paix: ayant le
tout esté représenté par ledit General
audit sieur Roy Tres-Chrestien, sui-
uant la charge qu'il en auoit de sa sain-
cteté. Lesquels sieurs Roys meuz de ze-
le de pieté, de la compassion & de l'ex-
treme regret qu'ils ont & sentēt en leurs
cœurs des longues & griefues oppres-
sions, qu'à l'occasion desdictes guerres,
leurs Royaumes, païs & subiects ont
souffert & souffrent encores à present.
Ne voulans obmettre chose qui soit au
pouuoir de bōs Princes, craignās Dieu,

& aymans leurs subiects, pour remettre
 & establir vn bon & asseuré repos en
 toute la Chrestienté, & particulièrement
 es prouinces, dont il a plu à Dieu de
 leur commettre la charge: & mettrons
 (comme porte leur deuoir) en bonne &
 grande consideration les tresages &
 paternels admōnestemens de nostredit
 S. Pere, se conformans à iceux, auroient
 exhorté leurs amys & confederez de
 vouloir entendre avec eux, & se resou-
 dre à vne bonne paix, vnion & concor-
 de, à l'honneur de Dieu, exaltation de
 son saint nom, assurance & tranquil-
 lité de toutes les prouinces Chrestien-
 nes, & au soulagement & repos de leurs
 peuples & subiects. Et pour y paruenir,
 & icelle paix & amitié traicter, conclu-
 re & arrester, auroient esté commis &
 deputez, c'est à sçauoir de la part dudit
 sieur Roy Tres-Chrestié, Messire Pom-
 pōne de Bellicure, Cheualier, S^r de Gri-

gnon, Conseiller en son Cōseil d'Estat,
& Messire Nicolas Brulart Cheualier,
S' de Sillery, aussi Conseiller dudit sieur
Roy en son Conseil d'Estat, & Presidēt
en sa Cour de Parlement de Paris. Et par
ledit sieur Cardinal Archiduc, au nom
dudit sieur Roy Catholique, suiuant le
pouuoir à luy dōné par ledit sieur Roy,
Messire Iehan Richardot Cheualier,
Chef & President du Conseil priuē du-
dit sieur Roy, & de son Cōseil d'Estat:
Messire Iean Baptiste de Tassis Cheua-
lier, Commandeur de los Sanctos de
l'ordre militaire de S. Iaques dudit Cō-
seil d'Estat, & du Conseil de Guerre: &
Messire Loys Verreichen aussi Cheua-
lier, Audiēcier & premier Secretaire &
Tresorier des Chartres dudit Conseil
d'Estat: tous garnis de pouuoirs suffi-
sans, qui seront inferez en la fin des pre-
sentes. Lesquels en vertu de leursdits
pouuoirs, en presence dudit sieur Car-

dinal, Legat, qui a longuement & tres-vertueusement trauaillé à promouuoir ceste bonne paix & reconciliation, ont fait, conclud, & arresté les Articles qui ensuiuent.

I.

PREMIEREMENT est conuenue & accordé, que le traicté de Paix demeure conclud & resolu entre lesdits sieurs Roys HENRY III. & PHILIPPES II. conformément & en approbation des articles contenuz au traicté de Paix faict à Chasteau en Cambresis, en l'ancien cinq cens cinquante neuf, entre feu de tres-haute & tres-louable memoire HENRY II. Roy de France & ledict sieur Roy Catholique; & lequel traicté lesdicts deputez esdits nōs ont de nouveau confirmé & approuué en tous ses poincts, comme s'il estoit icy inferé de mot à autre, & sans innouer aucune chose en iceluy ny és autres precedens
qui

qui tous demeurent en leur entier, sinõ en ce qui y feroit expressement desrogé par ce present traicté. II.

Et suyuant ce, Que d'oresenauant du iour & datte du present traicté entre lesdits sieurs Roys, leurs enfans naiz & à naistre, hoirs, successeurs & heritiers, leurs Royaumes, païs & subiects, y aura bonne, seure, ferme & stable Paix confederation & perpetuelle alliance & amitié, s'entr'aymeront comme freres procurans de tout leur pouuoir le bien, l'honneur & reputation l'un de l'autre. Et euiteron t tant qu'ils pourrõt loyaumēt le dommage l'un de l'autre, ne soustiendront, ne fauoriseront personne quelle qu'elle soit, l'un au preiudice de l'autre, & dés maintenāt cesseront toutes hostilitez : oublians toutes choses cy deuant mal passees, quelles qu'elles soyent, qui demeureront abolies & esteintes, sans que iamais ils en facent

ressentiment quelconque : renonçans par ce present traicté à toutes practiques, ligues, & intelligences qui pourroyent en quelque sorte que ce soit redóder au preiudice l'un de l'autre: Auec promesse de iamais faire ne pourchasser par l'un chose qui puisse tourner au dómage del'autre, ny souffrir que leurs vassaux & subiects le facent directemét ou indirectement. Et si aucuns d'iceux de quelque qualité ou condition qu'ils soyent y contreuenoiét cy apres, pour aller seruir par mer ou par terre ou autrement, ayder & assister en chose qui en sorte que ce soit pourroit preiudicier à l'un desdits sieurs Roys, l'autre sera obligé de s'y opposer & l'empescher & les chastier seuerement, côme infracteurs de ce traicté & perturbateurs du repos public. III.

Et par le moyen de cest edicte Paix & estroicte amitié, les subiects des deux

costez, quels qu'ils soyent, pourront en gardant les loix & coustumes du païs, aller, venir, demourer, frequenter, conuerſer & retourner és païs l'un de l'autre marchandement, & comme mieux leur ſemblera, tant par mer que par terre & eaues douces, traicter & conuerſer enſemble: Et ſeront ſouſtenuz & defenduz les ſubjets de l'un au païs de l'autre, comme propres ſubiects, en payant raiſonnablement les droicts en tous lieux accouſtumez & autres qui par leurs Majestez & les ſucceſſeurs d'icelles ſeront impoſez. IIII.

Et ſe ſuſpendent toutes lettres de marques & reprefailles qui pourroyent auoir eſté données à quelque cauſe que ce ſoit, & ne ſ'en donneront d'oreſenauant aucunes par l'un deſdits Princes au preiudice des ſubjects de l'autre, ſinon contre les principaux delinquans, leurs biens & de leurs complices, & ce enco-

res en cas seulement de manifeste denegation de iustice, de laquelle & des lettres de sommation & requisition d'icelles, ceux qui poursuiuront lesdictes lettres de marques & represailles deuront faire apparoir en la forme & maniere que de droit est requis. V.

Les villes, subiects, manans & habitans des Comtez de Flandres & Arthois & des autres Prouinces des pais bas, ensemble du Royaume d'Espagne, iouyront des priuileges, franchises & libertez qui leur ont esté accordez par les Roys de France predecesseurs dudit sieur Roy Treschrestien: & pareillemēt les villes, manans, habitans, & subiects du Royaume de France iouyront aussi des priuileges, franchises & libertez qu'ils ont esdicts pais bas & royaume d'Espagne, tout ainsi qu'un chacun d'eux en ont cy deuant iouy, & comme ils en iouyffoyent, en vertu dudit traité

de l'an mil cinq cens cinquante neuf & autres traictez precedens. VI.

A A V S S I esté conuenu & accordé en cas que ledit sieur Roy Catholique donne ou transfere par testament, donation, resignation ou autrement, à quelque tiltre que ce soit, à la serenissime Infante, Madame Isabel sa fille aînée ou autres, toutes les Prouinces de ses païs bas, avec les Comtez de Bourgongne & de Charrolois, que toutes lesdites Prouinces & Comtez s'entendent estre comprises en ce present traicté comme elles estoient en celuy de l'an cinq cens cinquante neuf, ensemble ladiète Dame Infante, ou celuy en faueur duquel ledict sieur Roy Catholique en auroit disposé, sans que pour cest effect il soit besoing d'en faire autre nouveau traicté. VII.

E T retourneront les subiects & seruiteurs d'un costé & d'autre, tant Eccle-

fialtiques que feculiers , nonobstant
 qu'ils ayent feruy en party contraire en
 leurs offices & benefices dont ils estoiet
 pourueuz avant la fin de Decembre,
 cinq cens quatre vingts huiët, sinon
 des cures dont autres se trouueroient
 canoniquement pourueuz : ensemble
 en la iouyffance de tous & chacüs leurs
 biens immeubles, rentes perpetuelles,
 viageres & à rachapt, faisis & occupez à
 l'occasion de la guerre commencee sur
 la fin de l'an cinq cens quatre vingts
 huiët, pour en iouyr dès la publication
 de cestedite paix , & pareillement de
 ceux qui leur font depuis aduenuz &
 escheus par succession ou autrement:
 sans rien quereller toutefois, ny demã-
 der les fruiëts perceuz dès le faisssemët
 desdits biës immeubles iusques au iour
 de la publication du present traicté, ny
 des debtes qui auront esté confisquées
 avant ledit iour: & se tiendra pour bon

& vallable le repartement qu'en aura fait ou fait faire le Prince, son lieutenant ou commis, riere la iurisdiction duquel ledict Arrest sera fait: & ne pourront iamais les crediters de telles debtes ou leurs ayans cause, estre receuz à en faire poursuite, en quelque mahiere & par quelque action que ce soit, contre ceux ausquels lesdits dons auront esté faits, ny contre ceux qui par vertu de tels dōs & confiscations, les auroiēt payez pour quelque cause que lesdites debtes puissent estre, nonobstant quelques lettres obligatoires que lesdits crediters en puissent auoir, lesquelles pour l'effect de ladicte confiscation seront & demeureront par cedit traicté cassee, annulees & sans vigueur. VIII.

Et se fera ledit retour desdicts subiets & seruiteurs d'un costé & d'autre à leurs biens immeubles & rentes comme dessus, nonobstant toutes donations, con-

cessions, declarations, confiscations cō-
 mises, & sentences donnees par contu-
 mace & en l'absence des parties, & icel-
 les non ouyes à l'occasion de ceste dictē
 guerre, comme qu'il soit, lesquelles sen-
 tences & tous iugemens donnez, tant
 en ciuil que criminel demeureront nul-
 les & sans aucun effect, & comme non
 aduenues: remettāts iceux subiets quāt
 à ce pleinement, & cessans tous empes-
 chemens & cōtredits aux droicts qu'ils
 auoient au temps de l'ouuerture de la-
 dictē guerre: sans qu'aucun puisse estre
 recherché pour charges & entremises
 publiques qu'il auroit eu, soit pour les
 viures, maniement de deniers, ou autre-
 ment pendant le temps, & à l'occasion
 de ladictē guerre, dont il auroit rendu
 compte pardeuāt ceux qui auoient lors
 pouuoir d'en ordonner, pourueu que
 lesdits subiects & seruiteurs ne se trou-
 uent chargez d'autres crimes & delits
 que

que d'auoir seruy en party contraire.

I X.

Et ne pourront neantmoins rentrer dans lesdictes terres, païs & seigneuries desdits Roys, sans auoir premierement sur ce obtenu permission & lettres patentes scelees du grád seal de leurs Maiestez, desquelles ils ne seront tenuz poursuiure la verifcation pardeuant les Cours & officiers de leurs Maiestez.

X.

C E V X qui auront esté pourueuz d'un costé & d'autre des benefices estâs à la collation, presentatiõ ou autre disposition desdits sieurs Roys ou autres personnes layes demeurerõt en la possession & iouissance desdits benefices, comme bien & deuement pourueuz.

X I.

EN faueur & contemplation de ceste paix, & pour donner par lesdicts sieurs Roys contentement l'un à l'autre, est

conuenü & accordé qu'ils rendront & restitueront reallement, de fait & de bonne foy l'un à l'autre, ce qui se trouuera auoir esté pris, saisi & occupé par eux ou autres ayans charge d'eux ou en leurs noms és païs l'un de l'autre: C'est à sçauoir ledit sieur Roy tref-Chrestien audit sieur Roy Catholique la iouissance & possession du Comté de Charoloys, ses appartenances & dependances, pour en iouyr par luy & ses successeurs pleinement & paisiblement, & le tenir sous la souueraineté des Roys de Frâce: Et sil se trouue autres places occupées depuis ladicte paix, de cinq cens cinquante neuf, par ledit sieur Roy tref-Chrestien, ou par les siens, serót pareillement restituées, & le tout dans deux moys, à compter du iour & date de ces presentes. XII.

Et pareillement ledit sieur Roy Catholique rendra & restituera audit sieur

Roy Tres-chrestien, les places qui se trouueront auoir esté par luy ou autres ayans charge de luy, ou en son nom, prinſes, ſaiſies & occupées depuis ledict traicté de Chasteau en Cambresis.

XIII.

A SÇA VOIR Calaiz, Ardres, Monthulin, Dourlens, la Capelle & le Castelet en Picardie, Blauet en Bretagne, & toutes autres places que ledict ſieur Roy Catholique y auroit occupees ou ailleurs au Royaume de France, depuis ledit traicté, & ſont par luy ou par les ſiens detenues. XIII.

Pour le regard de Calaiz, Ardres, Monthulin, Dourlens, la Cappelle, & le Castelet, ſeront icelles places, remiſes & rendues par ledit ſieur Roy Catholique ou ſes miniſtres effectuellement, de bonne foy & ſans aucune longueur ny difficulté, pour quelque pretexte ou occaſion que ce ſoit à ce-

luy ou ceux qui seront à ce deputez par ledict sieur Roy Tres-chrestien, dedàs deux mois precisément, à compter du iour & datte de ces presentes, en l'estat qu'elles se trouuēt à present, sans y rien demolir, affoiblir ny endommager, en aucune sorte, & sans que l'on puisse pretendre ne demander aucun remboursement pour les fortifications faictes esdictes places, ny pour le payement de ce qui pourroit estre deu aux soldats & gens de guerre y estans: & se fera ladicte restitution, premierement des villes de Calaiz, & Ardres, & des autres puis apres, en sorte que la restitution entiere desdictes places soit accomplie dans ledict temps de deux mois. X V.

Q V A N T à Blauet, la restitution en fera aussi faicte effectuellement, & de bonne foy, sans aucune longueur ne difficulté, sous quelque pretexte ou occasion que ce soit, à celuy ou ceux

qui à ce seront commis par ledict sieur Roy Tres-chrestien, & ce dans trois mois du iour & datte de ces presentes & pourra ledict sieur Roy Catholique faire desmolir les fortifications par luy faictes ou par les siens audict Blauet & autres lieux qui seront par luy detenuz en Bretaigne, si aucuns en y a.

XVI.

RESTITVANT lesdictes places, pourra ledit sieur Roy Catholique faire emporter toute l'artillerie, poudres, boulets, armes, viures & autres munitions de guerre qui se trouueront esdictes places au temps de la restitution. Pourront aussi les soldats, gens de guerre & autres qui sortiront desdites places, faire emporter tous biens meubles à eux appartenās, sans qu'il leur soit loisible exiger aucune chose des habitans d'icelles places, & du plat país, ny endomager leurs maisons ou en emporter

aucune chose appartenant ausdits habitans.

XVII.

ET à ce que les gens de guerre estās audit Blauet se puissent plus promptement retirer en Espagne: Ledit sieur Roy tres-Chrestien les fera accommoder de vaisseaux & mariniers, dās lesquels vaisseaux ils pourront faire charger l'artillerie, viures & autres munitiōs de guerre, avec leurs bagages estans audit Blauet & autres lieux qui seront restituez en Bretagne, en baillant assurance de la restitution desdits vaisseaux, & renuoy des mariniers dans le temps qui sera accordé.

XVIII.

PROMETTENT en outre lesdits deputez pour assurance de la restitutiō desdictes places, aussi tost que la ratification du present traicté faite par ledit sieur Roy Tres-chrestien, leur aura esté fournie, de bailler, & faire liurer quatre ostages tels qu'il vouldra choisir,

subiects dudit sieur Roy Catholique, qui seront bien & honnorablement tenus, ainsi qu'il conuiët à leurs qualitez: laquelle reſtitutiõ eſtant faicte & reallement accomplie, leſdits oſtages ſerõt renduz & mis en liberté de bonne foy & ſans aucun delay: bien entendu qu'eſtant accomplie la reſtitution des ſix places de Picardie, deux deſdits oſtages ſeront deliurez, demeurant les autres deux iuſques à la reſtitution dudit Blauet.

X I X.

E T pour le regard des choſes contenues audit traicte, de l'an cinq cens cinquante neuf, qui n'ont eſté executees ſuiuant les articles d'iceluy, l'execution en ſera faicte & paracheuee en ce qui reſte à excuter, tant pour la tenure feodalle du Conté de S. Pol, limites des pays des deux Princes, terres tenues en ſurſeance, exemptions des gabelles, & impositions foraines pre-

tendues par ceux du Comté de Bourgogne, Euesché de Therouenne, Abbaye de S. Jean au Mont, Duché de Bouillon, restitutions d'aucunes places pretendues de part & d'autre, deuoir estre restituées en vertu dudit traité, & tous autres differents qui n'ont esté vuidez & decidez, ainsi qu'il a esté lors conuenu : seront pour cest effect nommez arbitres & deputez de part & d'autre, suiuant ce qui a esté resolu par ledit traité, lesquels s'assembleront dans six mois és lieux designez par iceluy, si les parties cōsentent, si nō s'accorderont d'vn autre lieu. XX.

ET d'autant qu'en la diuision des terres ordonnées aux dioceses d'Arras, Amyens, S. Omer, & Boulogne, il se trouue des villages de France attribuez aux Eueschez d'Arras, & S. Omer, & autres villages du pays d'Arthois & Flandres, aux Eueschez d'Amyens, & Boulogne,

Boullongne, d'où aduient souuent des-
ordre & confusion: A esté conuenu
qu'apres auoir eu le consentement &
permission de nostre S. Pere le Pape,
Commissaires de part & d'autre seront
deputez, qui s'assembleront dedans vn
an, au lieu qui sera aduisé pour resou-
dre l'eschange qui pourroit estre faict
desdits villages, a la commodité des
vns & des autres. XXI.

T O V S prisonniers de guerre estans
detenuz de part & d'autre, seront mis
en liberté, en payant leurs despens, &
ce qu'ils pourroient d'ailleurs iustemēt
deuoir, sans estre tenuz de payer aucu-
ne rançon, sinon qu'ils en ayent con-
uenue: & s'il y a plainte de l'excez d'icel-
le, en sera ordonné par le Prince du pais,
duquel les prisonniers seront detenuz.

XXII.

T O V S autres prisonniers subiects
desdits sieurs Roys, qui par la calamité

des guerres pourroient estre detenuz aux galeres de leurs Maiestez, seront promptement deliurez & mis en liberté, sans aucune longueur, pour quelque pretexte ou occasiō que ce soit, & sans qu'on leur puisse demāder aucune chose pour leurs rançons ou pour leurs despens. XXIII.

ET sont reseruez audit sieur Roy Tres-Chrestien, de France & de Nauarre, ses successeurs & ayās cause, tous les droicts, actiōs & prétentions qu'il entend luy appartenir, à cause de sesdits Royaumes, païs & seigneuries, ou autrement, ailleurs pour quelque cause que ce soit, ausquels n'auroit esté par luy ou par ses predecesseurs expressement renoncé, pour en faire poursuite par voye amiable, ou de iustice, & non par les armes. XXIIII.

COMME en semblable sont reseruez audit sieur Roy Catholique des

directement aucune ayde, support ny faueur.

XXVIII.

ET pour le surplus des autres différends qui sont entre ledit sieur Roy tres-Christien & ledit sieur Duc, Lesdits deputez ausdits noms consentent & accordent pour bien de paix, qu'ils soient remis au iugement de nostredit S. Pere le Pape CLEMENT huitiesme, pour estre iugez & decidez par sa saincteté dans vn an, à compter du iour & date de ces presentes, suiuant la responce dudit sieur Roy baillée par escrit, le quatriesme Iuin dernier cy apres inseree: & ce qui sera ordonné par sa Saincteté, sera entierement & de bonne foy accōply & executé de part & d'autre, sans aucune longueur ne difficulté, sous quelque cause ou pretexte que ce soit.

XXIX.

ET cependant & iusques à ce qu'autrement en soit décidé par nostredit S.

Pere, demeureront les choses en l'estat qu'elles sont à present, sans y rien changer ny innouer, & cōme elles sont possedees de part & d'autre: sans qu'il soit loisible de s'estendre plus auant, imposer ou exiger contributions ny autres choses hors le territoire des places qui sont tenues par les vns ou par les autres.

X X X.

ET suiuant ce a esté conuenu & accordé que dés à present y aura paix ferme, stable, amitié & bonne voisinance entre lesdits sieurs Roy & Duc, leurs enfans naiz & à naistre, hoirs, successeurs & heritiers, leurs Royaumes, païs & subiects, sans qu'ils puissent faire aucune entreprise sur les païs & subiects l'un de l'autre, pour quelque cause ou pre-texte que ce soit. X X X I.

LES subiects & seruiteurs d'un costé & d'autre, tant Ecclesiastiques que seculiers, nonobstant qu'ils ayent seruy
en party

en party contraire, retourneront pleinement en la iouyssance de tous & chascuns leurs biens, offices & benefices, tout ainsi qu'il a esté dit cy dessus pour les subjets & seruiteurs des deux Roys, sans que cela puisse estre entendu des gouuernemens.

XXXII.

Quant aux prisonniers de guerre, en sera vsé comme il a esté conuenu entre les deux Roys, ainsi qu'il est contenu cy dessus.

XXXIII.

ET sont confirmez en tous leurs points & articles les traictez faits cydeuant entre les feux Rois tres-Chrestie's HENRY second, en l'an cinq cés cinquante neuf à Chasteau en Cambresis, CHARLES IX. & HENRY III. & le dit feu sieur Duc de Sauoye, sinõ en ce qui y auroit esté derogé par le present

traicté ou par autre : & suiuant ce demeurera ledit sieur Duc de Sauoye avec ses terres, pays & subiects, bon Prince neutre & amy commun desdits sieurs Roys: & du iour de la publication du present traicté, sera le commerce libre & assésuré entre leursdits pays & subiects, comme il est contenu esdits traitez, & en a esté vsé en vertu d'iceux. Et seront obseruez les reiglemens y contenus, mesmes pour le regard des officiers qui ont seruy lesdits sieurs Roys, sinon que par autre traicté y eust esté desrogé.

XXXIII.

En ceste paix, alliance & amitie, seront compris de commun accord & consentement desdits sieurs Roys, si compris y veulent estre, premierement de la part dudit sieur Roy tres-Chrestien, nostre tres saint pere le Pape, le

S. siege Apostolique, l'Empereur, les Electeurs, Princes Ecclesiastiques & seculiers, villes, cōmunautéz & Estats dudit S. Empire : & par especial Messieurs les Conte Palatin Electeur, Marquis de Brandebourg, Duc de Virtemberg, Landgraue de Hessen, le Marquis du Hauspak, les Contes de Frize Orientalle, les villes maritimes selon les anciennes alliances, le Roy & le Royaume d'Escoffe, selon les anciens traictez, alliances & confederatiōs qui sont entre les Royaumes de France & d'Escoffe, les Roys de Pologne, Danemarck & Suede, le Duc & Seigneurie de Venise, les treize Cantons des Ligues de Suisse, les Seigneurs des trois ligues Grises, l'Euesque & Seigneurs du pais de Valays, l'Abbé & ville de S. Gal, Touhembeurg, Milans en Conté de neuf-Chastel, & autres alliez &

confederez desdits sieurs des Ligues: Monsieur le Duc de Lorraine, Monsieur le grand Duc de Toscane, Monsieur le Duc de Mantoue, la Republique de Lucques, les Euesque & Chapitre de Mers, Toul & Verdun, l'Abbé de Gozze, les Seigneurs de Sedan & le Conte de la Mirande. Bien entendu toutefois que le consentement que ledit sieur Roy Catholique donne à la comprehension des Comtes de Frise Orientale, soit sans preiudice du droit que sa Majesté Catholique pretend sur les pais d'iceux: comme aussi demeurent reseruez à l'encontre les defenses, droits & exceptions desdits Comtes. Le tout avec declaration que ledit sieur Roy Catholique ne pourra directement ou indirectement trauailler par soy ou par autres aucuns de ceux qui de la part dudit sieur Roy Tres-

Chrestien, ont cy dessus esté compris: & que si ledit sieur Roy Catholique pretend aucune chose à l'encontre d'eux, il les pourra seulement poursuivre par droit, pardeuant les Iuges competens, & non par la force, en maniere que ce soit.

XXIIII.

ET de la part dudit sieur Roy Catholique seront compris en ce traicté, si compris y veulent estre, Premièrement, nostre S. Pere le Pape, le S. siege Apostolique, l'Empereur des Romains, Messieurs les Archiducs ses freres & cousins, leurs Royaumes & pais, les Electeurs, Princes, Villes & Estats du S. Empire, obeissans à iceluy, le Duc de Bauiere, le Duc de Cleues, l'Euesque & pais de Liege, les villes Maritimes & les Comtes de Ostfrize. Et renoncent lesdits Princes à toutes pra-

tiques, promettans de n'en faire cy apres aucune, ny en la Chrestienté ny dehors icelle, où que ce soit, qui puissent estre preiudiciables ny audit sieur Empereur ny ausdicts mémbres & Estats dudit S. Empire: ains qu'ils procureront de leur pouuoir le bien & repos d'iceluy: pourueu que ledit sieur Empereur & lesdits Estats se comportent respectiuement, & amiablement avec lesdits sieurs Roys tres-Chrestien & Catholique, & ne facent rien au preiudice d'iceux. & de mesmes y seront cōpris Messieurs des Cantons des Liges des haultes Allemagnes, & les liges Grizes, & leurs alliez, le Roy de Pologne, & de Suede, le Roy d'Escoffe, le Roy de Danemarc, les Duc & sieurs de Venize, le Duc de Lorraine, le grand Duc de Toscane, les Republiques de Genes & de Luques, le Duc de Parme

& de Plaifance , le Cardinal Ferneze
 fon frere, le Duc de Mantoue, le Duc
 d'Vrbin, les Chefs des maifons Solône
 & Vrsine , le Duc de Salmonete , le
 fleur de Mouaco, le Marquis de Final,
 le Marquis de Maſſa, le fleur de Plum-
 bin , le Comte de Sala , le Comte de
 Colormo, pour iouir pareillement du
 benefice de ceſte Paix. Auec declara-
 tion expreſſe, Que le dit fleur Roy tref-
 Chreſtien ne pourra directement ou
 indirectement , trauailler par ſoy ou
 par autres , aucun d'iceux, & que s'il
 pretend aucune choſe à l'encontre
 d'eux, il les pourra ſeulement pourſui-
 ure par droit deuant Iuges compe-
 tens, & non par la force, en maniere
 que ce ſoit.

XXXV.

Et auſſi ſeront compris en ce preſent
 traicté tous autres qui de commun cõ-

sentement desdits sieurs Roys se pour-
ront denommer: pourueu que six mois
apres la publication de ce dict traicté
ils donnent leurs lettres declaratoires
en tel cas requises respectiuement.

XXXVI.

ET pour plus grande seureté de ce trai-
cté de Paix, & de tous les poincts & ar-
ticles y contenuz, sera iceluy traicté ve-
rifié, publié, & enregistré en la Cour
de Parlemēt de Paris, & en tous autres
Parlemens du Royaume de France,
& Chambre des Comptes de Paris. Cō-
me au semblable sera verifié, publié, &
enregistré au grand Cōseil, autres Cō-
seils & Chambres des Comtes des païs
bas dudit sieur Roy Catholique. Et le
tout suiuant & en la forme qui est con-
tenuë audit traicté de l'an cinq cēs cin-
quante neuf, dont seront baillees les
expeditiones de part & d'autre, dans
trois

trois mois apres la publication du present traicté.

XXXVII.

Lesquels poincts & articles cy dessus compris, ensemble tout le contenu en chacun d'iceux ont esté traictez, accordez, passez, & stipulez entre lesdits deputes aux noms que dessus: lesquels en vertu de leurs pouuoirs, ont promis & promettent sous l'obligation de tous & chacuns les biens presens & à venir de leursdits maistres, qu'ils feront par iceux inuiolablement obseruez & accomplis, & de leur faire ratifier & en bailler & deliurer les uns aux autres lettres autentiques signees & sceellees, où tout le present traicté sera inseré de mot à autre, & ce dans vn mois, du iour & datte de ces presentes, pour le regard desdits Sieurs Roy Tres-Chrestien, Cardinal Archiduc, & Duc de

42
Sauoye: lequel sieur Cardinal promet-
tra de faire fournir dans trois mois
apres semblables lettres de ratification
dudit sieur Roy Catholique. Et outre
ont promis & promettent lesdits de-
putez esdits noms que lesdites lettres
de ratification desdits sieurs Roy tres-
Chrestien, Cardinal Archiduc & Duc
de Sauoye, estans fournies, iceux sieurs
Roy tres-Chrestien, Cardinal Archi-
duc, & Duc de Sauoye, iureront so-
lemnellement sur la Croix, saincts
Euangiles, Canon de la Messe, & sur
leurs honneurs, en presence de tels qu'il
leur plaira deputer, d'observer & accō-
plir pleinement, reallement & de bon-
ne foy, le contenu esdicts Articles: Et
semblable serment sera fait par ledit
sieur Roy Catholique, dans trois mois
apres, ou lors qu'il en sera requis. En
tesmoin desquelles choses ont lesdits

deputez soubſcrit, le preſent traitté de
leurs noms, au lieu de Veruin: Le deu-
xiefme iour de May, mil cinq cens qua-
tre-vingts dixhuiſt.

1. The first thing that I should mention is
that the weather was very nice today.
We went for a walk in the park and
saw many beautiful flowers.

2. The second thing is that we had a picnic
under a big tree. The food was delicious
and the children were very happy.

3. The third thing is that we saw a lot of
interesting animals. There were many birds
and some small mammals.

4. The fourth thing is that we had a very
good time. We all enjoyed the day very
much and it was a very successful trip.

5. The fifth thing is that we saw a lot of
beautiful scenery. The views were very
impressive and we took many pictures.

6. The sixth thing is that we had a very
good meal at a restaurant. The food was
very good and the service was excellent.